

中興禮書

中興禮書第二百六十一卷

凶禮二十六

贈慈聖獻皇后

掩櫬

紹興元年五月十九日禮部太常寺言檢會明德皇后故事靈駕發引至櫬宮有司攝事行遷奠并掩櫬宮之禮勘會將來靈駕發引至櫬宮欲依上件故事今具合行事件 一合用御封降真香二合 一合用祝文二

首

一首遷以行遷奠之禮一首遷以掩櫬宮禮之意

一遷奠行禮官一員依故

事係監護使行禮今欲乞差櫬宮摠護使行禮 一掩

櫬宮行禮官一員依故事係宗正卿伏乞朝廷差官

一合差太祝二員

一員掩櫬宮讀祝文一員掩櫬宮讀祝文

奉禮郎太官令

各二員並乞於總護使司屬官內 一橫宮合用梓宮待時輓次并橫宮籥寨內合用行事官幕次乞下儀鸞司釘設詔依

六月七日禮部太常寺言勘會將來掩橫宮日總護使依禮例率應行橫宮官進表奉慰詔依

七月十一日太常寺言勘會今來昭慈獻烈皇太后掩橫宮早已降指揮依明德皇太后故事降詔朝拜橫宮本寺契勘昨明德皇后橫宮自京城至橫宮城步不遠昭慈獻烈皇^{太后}橫宮緣道路遙遠兼經由水鄉若車駕親詣即一日之內難以往回今參酌欲乞依乞依四孟朝獻禮例差宰執一員前一日赴橫宮泰寧寺齋宿至日行朝拜之禮所有合用御封香表并選日及合用牙

盤食茶酒菓等乞從本寺開報所屬排辦詔依
二十五日太常寺言已降指揮昭慈獻烈皇太后掩橫
宮畢朝拜橫宮今擬太史局選定宜用七月三十日甲
子吉詔依

遷奠掩橫宮儀

其日俟大昇輦至橫宮帷前侍中詣大昇輦前俛伏跪
奏稱侍中臣某言請靈駕降輦升龍輅入帷奏訖俛伏
興有司捧梓宮升龍輅入帷時前有司於梓宮前陳設
祭器實禮料畢先引奉禮郎已下入就位立定次引行
禮官詣梓宮前立定再拜訖引奉禮郎太祝太官令各
入就位立次引行禮官詣盥洗位盥手悅手洗爵拭爵
詣酒尊所跪執爵俟太官令酌酒訖興詣梓宮前跪上

香再上香三上香受幣奠幣執爵三祭酒奠爵俛伏興
少立太祝跪讀祝文訖行禮官再拜訖復位立又再拜
訖次詣望燎位立奉禮郎太祝太官令重行立定有司
燎訖退時至侍中詣梓宮前俛伏跪奏稱侍中臣某言
請靈駕赴橫宮奏訖俛伏興有司捧遷梓宮赴橫宮畢
次太尉監察御史將作監并抬橫宮訖次司空復土九
鋪又引宗正卿行掩橫宮之禮如遷奠之儀

奉安御容

紹興元年四月二十六日都大監領喪事所言近奉聖
旨傳寫太行隆祐皇太后御容三軸續奉聖旨傳寫二
軸今契勘係用三軸內一軸天章閣一軸內中欽先孝
思殿一軸下宮崇奉合具奏稟詔傳寫御容三軸

五月二十八日橫宮總護使李回言契勘永安陵寢故事內人合留於下宮守奉香火今來橫宮如合依故事即乞於化成寺尺樺截安設影殿候靈駕到獻殿權令內人於巡檢廨宇安泊候下事了日却隨虞主還本殿詔依

六月二十六日禮部太常寺言龍圖天章寶文顯文徽猷閣狀准都大監領喪事所牒契勘御容三軸見在本殿收掌今欲乞並交割與天章閣收奉日後如有崇奉去處令所屬一面申請本閣契勘崇奉神御見在內中奉安今來御容亦合於內中崇奉詔令禮部太常寺討論禮儀申尚書省今討論禮儀合擇日奉安本閣官燒香其合用香令入內內侍省取降太史局擇日俟奉安

訖已後並合依祖宗諸后依崇奉詔依

九月二十八日攢宮司言准總護使司劄子契勘園陵故例上宮設置獻殿下宮安奉御容今來攢宮修置獻殿龜頭更不起神臺自合於龜頭內安奉御容緣去僧寺地里差遠竊慮黃夜難以防護照管今欲於龜頭內安設影座其御容常日祇用匣盛貯付攢宮都監掌管於僧寺方丈內安奉日逐就近奉安上香火遇有饗祀即於攢宮龜頭影帳內安設事訖却以匣收盛於方丈內奉安詔依今契勘諸陵故例每遇奏告生忌辰年節寒食十月一日冬至並係於上宮神臺獻殿上酌獻其餘節序旦望並於下宮神御前酌獻今承前項指揮每遇饗祀告遷御容前往攢宮安設事訖却以匣收盛迎

奉於方丈內奉安緣今來神臺相去下宮地里差遠竊恐時復告遷往來未便今相度欲乞依故例施行詔依

虞祭

紹興元年五月二日太常少卿蘇遵等言檢會明德皇后故事今具下項 一故事虞主四日入右掖門右承天門於萬安宮奉安從之今欲乞依上件故事候發引掩攢宮畢行虞祭升祔之禮 一故事靈駕發引至攢宮有司攢事行遶真并掩攢宮之禮及設第一虞祭畢迎虞主升翟車赴萬安宮行安神之祭又言百官出城奉辭靈駕次入赴西上閣門進名奉慰若虞主當日還京百官又須出城奉迎一日之內禮容重叠望攢宮經宿行第二虞祭畢迎虞主還京所貴禮容周備勅旨並

依今欲乞依上件故事 一故事禮儀使御史中丞呂文仲上言虞主回赴萬安宮行安神禮宗正少卿以酒脯行安神禮其日令百官詣西上閤門進名奉慰勅曰朕以奉迎神主爰舉禮文宜盡嚴恭以申哀慕其虞主回京入宮日朕服靴袍於萬安宮門內奉迎前導至萬安殿行禮候祔廟日亦服靴笏出乾元門外奉辭餘如舊儀今欲乞依上件故事施行詔依

六月太常寺言今具合行事件 一合用浴虞主神主黑漆木斛二箇并白羅拭巾筆墨硯應沿法物乞下工部指揮所屬修製并行禮日合用漆匠一名并所用漆亦乞差辦 一合差內謁者一員浴虞主并奏請神靈上虞主及扶侍扶侍各二員捧腰輿內侍四員並乞下

入內侍省差

並兼安奉虞主祔應

一安奉虞主乞於橫宮獻殿

上行第一第二虞祭詔依

十七日禮部太常寺言今續具到合行事件 一迎奉

虞主入城日百官出城常服奉迎訖次赴殿門外逐名

奉慰 一將來橫宮行第二虞祭畢迎奉虞主赴本殿

是日皇帝自內服履袍於本殿門內奉迎升殿行燒香

禮畢次依故事宗正少卿行安神禮次日行第三虞祭

已後每間日行一虞祭俟九虞祭畢擇日祔廟以本殿

權安奉虞主畢依故事係本殿官照管 一合用御封

降真香一十一合 一合用祝文九首

並述以行虞祭之意

一

自橫宮擎虞主檐子合用輦官乞下御輦院差撥所有

威儀僧道等併執持儀物人並乞就用發引日威儀等

人充 一九虞祭饗官依故事係差宗正卿今來乞差太常少卿充攝所有奉禮郎一員乞差太常博士充太祝太官令各一員並報越州差官 一虞主至本殿行安神禮依故事係宗正少卿今來乞差太常少卿充詔依

二十一日禮部太常寺言今來虞主回日欲乞入權開門至本殿其神帛龍輿回日并已後行虞祭日亦乞今由權開門候虞祭畢日令所屬依已降指揮修築如舊詔依

二十九日禮部太常寺言已降指揮虞主升龍檐子權代翟車今據御輦院申止有龍輿即無龍檐子勘會上件龍輿已係安座神帛外今欲乞就用已造腰輿差輦

官自橫宮擎虞主赴本殿詔依

虞祭儀

其日俟掩橫宮行禮畢行事官各服常服黑帶次內謁者浴虞主訖以羅巾拭訖題虞主官搢笏題訖有司漆之內謁者詣橫宮前俛伏跪奏稱內謁者臣某言請昭慈獻烈皇太后神靈上虞主奏訖俛伏興扶持以匱覆訖捧遷虞主升腰輿至獻殿上南向權置定內謁者奏請降輿即座扶持捧遷虞主即座訖以示行虞祭之禮俟有司陳設祭器實設禮料畢先引奉禮郎已下入就位北向立次引宗正卿詣殿下西向立再拜訖引奉禮郎已下升就位立次引宗正卿詣盥洗位搢笏盥洗手執笏詣爵洗位搢笏洗爵拭爵執笏升殿詣酒尊所

指笏跪執爵俟太官令酌酒訖執笏興引宗正卿詣虞
主前指笏跪上香再上香三上香受幣奠幣執爵三祭
酒奠爵執笏俛伏興少立太祝指笏跪讀祝文訖執笏
興宗正卿再拜訖降階復位立又再拜訖次詣望燎位
立奉禮郎以下重行立俟燎祝幣訖班退

百官城外奉迎虞主儀

其日百官先赴城外幕次俟虞主將至御史臺閣門集
百官立定禮直官引班首已下詣班前立定俟虞主至
禮直官贊躬拜班首已下在位官並再拜次引班首詣
香案前指笏上香再上香三上香執笏復位立禮直官
贊躬拜在位官皆再拜訖權退立俟虞主腰輿過並退

皇帝奉迎虞主儀

其日皇帝自內服履袍歸御幄禮直官太常博士太常卿於幄前立俟虞主將至本殿門內謁者奉虞主升輿捧腰輿內侍並扶侍等扶腰輿至殿門禮直官太常卿博士引太常卿當幄前俛伏跪奏稱太常卿臣某言請皇帝奉迎虞主奏訖俛伏興簾捲前導黃帝出幄詣殿門內奉迎皇帝升殿至殿上權駐前導官前導皇帝至殿上少立內謁者詣輿前奏請虞主降輿升座權安奉奏訖內謁者奉虞主升座啟匱於後以巾覆之訖前導皇帝詣虞主香案前奏請拜皇帝再拜訖又奏請皇帝上香再上香三上香又奏請拜皇帝再拜訖前導皇帝降階歸幄前導官退皇帝還內如來儀次宗正少卿以酒脯行安神禮畢退

卒哭祭

紹興元年七月十七日太常寺言檢會明德皇后故事
景德元年六月二十一日詔以二十五日卒哭特不視
事一日其日百官奉慰所有將來昭慈獻烈皇太后卒哭
日據太史局申七月二十五日係卒哭之日本寺參詳
合依前項故事是日皇帝不視事文武百僚詣常御殿
門外進名奉慰詔依

十九日太常寺言勘會卒哭日依故事合於几筵前行
卒哭之祭又緣几筵係在內中天章閣安奉即有司難
以前去行禮欲乞於橫宮行卒哭之祭今具合行事件
一合用御封降真香一合 一合用祝文一首
述以道官
祭行之禮一詣橫宮行禮官一員乞差宗室奉禮郎太祝

太官令各一員依例下越州差官並前一日赴泰寧寺致齋其攢宮都監依禮例合行陪位詔依

紹興元年五月二日太常少卿蘇遲等言檢照明德皇后故事申請下項 一祔廟日其日皇帝不視事文武百官進名奉慰 一祔廟前二日奏告天地宗廟社稷宮觀廟宇今欲乞依上件故事詔依

十三日禮部太常寺言准都省批下太常少卿蘇遲等劄子勘會今來大行隆祐皇太后崩已降指揮依故事攢殯訖行虞祭升祔之禮今來迎奉神主祔廟合於太廟哲宗室緣昭懷皇后神主已祔廟室所有今來神主祔廟次序合取自朝廷指揮又劄子今來太廟神主見在温州奉安將來迎奉神主祔廟未審合與不合迎奉

往温州行祔廟之禮候批送禮部太常寺同共擬定申
尚書省今擬定神主祔廟次序合升祔在昭懷皇后神
主之上及將祔廟合迎奉神主往温州行祔廟之禮詔
依

六月十四日禮部太常寺言今具到合行事件 一合
差內謁者一員乞下入內侍省於昭慈獻烈皇太后
殿內侍宮內差 一今來迎奉虞主神主祔廟往温州
所有都大主管一行事務官伏乞朝廷差官 一神主
祔廟依故事今差南班宗室三員充三獻行禮今來欲
乞差南班宗室一員往温州依見今常饗禮例充祔廟
行禮獻官 一乞令入內侍省取降御封降真香二
斤付都大主管一行事務官沿路供燒 一依故事迎

奉神主虞主係升翟車緣今來往溫州係經由山路難以用車欲乞併用腰輿迎奉內抬擎腰輿人乞令御輦院差下都輦官一十六人管押人員一名其援衛人乞下越州差禁軍三十人俟祔廟畢發遣 一至溫州合差宮闈令香火官乞就令迎奉神主所內侍官充 一祔廟合差扶持挾侍捧腰輿內侍乞令景靈宮主管所差諸般并萬壽觀內侍至祔廟日權攝俟行禮畢仍舊 一祔廟日依故事候題神主訖內謁者詣虞主前奏請神靈上神主迎神主祔於祖姑之下今來欲乞依故事俟行祔饗禮畢捧遷神主詣宗哲室 一虞主進發赴溫州日依已降指揮是日皇帝不視事服履袍於行宮門外奉辭其百官依禮例於城外上香再拜奉辭次

赴殿門外進名奉慰 一經過州縣等預集長吏已下

於城門外上香再拜奉迎其奉辭依此不得遽出

如遇雨降

依例其州縣巡尉各於界首躬親部押人兵迎接護衛

出界遇夜擺鋪守宿 一祔廟日欲乞依故事內謁者

詣虞主前奏請神靈上神主祔於祖姑之下所有差官

并行禮儀注及應合排辦事件乞令奉迎神主護從提

點所比祔見今饗廟禮例一面參酌施行內虞主依故

事合於太廟本室殿後瘞埋緣今來太廟神主見在溫

州權行奉安欲乞祔廟日奉請畢迎虞主赴夾室權行

奉安候將來迎奉太廟日依故事施行 一虞主進發

日合差扶侍夾侍各二員捧腰輿內下四員乞下日入

內內侍省差 一合用御封降真香一十二合 一合

用祝文一十一首

並送以昭慈獻烈皇
后神主祠廟之意

詔依

同日翰林學士汪藻言奉勅差充書題昭慈獻烈皇太后
后祔廟神主官今據太史局狀勘會將來迎奉神主祔
廟已降指揮迎奉赴溫州行祔廟之禮依故事係祔廟
日內謁者詣南神門外浴神主訖題神主官題神主訖
內謁者詣神主前奏請神靈上神主訖次行神廟之禮
今來題神主官合前溫州題神主契勘學士院汪藻係
是獨員時暫不可闕官未委合與不合前去詔書題神
主官就差都大主管一行事務官左司員外郎趙子晝
二十七日差左司員外郎趙子晝言准勅差主管虞主
一行事務及題寫神主固不敢辭然竊伏思念昭慈獻
烈皇太后升遐以來應干典例禮率用母后嘗臨朝稱

制之儀其於尊崇無不備盡今庖奉廟主書寫徽稱至大事也反以庶官主之恐不稱主上所以致隆極厚之意與夫祖宗故事之常謹紫祥符六年元德皇后祔廟宰相王旦攝太尉題寫徽名今雖時事不同禮當從權竊謂不應降殺頓爾殊絕理有未安不敢隱默候指揮詔改差工部侍郎韓肖胄

七月五日太常寺言據太史局選定虞主進發神主祔廟日時如後 一虞主進發宜用七月十五日己酉吉時宜用其日乙時吉 一神主祔廟宜用八月十三日丁丑吉時宜用其日丙時吉詔依

八日工部侍郎韓肖胄言准勅差都大主管虞主一行事務今有合申請事件 一今來前去温州登涉山險

及慮不測雨水入州縣不及湏就近便道路處泊或在
夜合要人兵巡防今欲乞下神武中軍差撥兵士五十
人量帶器甲并部押人員三名仍差本軍使臣一員充
提轄一捧擎虞主神主謚用寶自行宮至攢宮元降
攝指揮差下都輦官一十六人管押人員一名分兩番
捧擎其捧沿神主法物差禁軍共五人捧擎用并沿用
法物三衙門差禁軍四十二人并捧擎寶及沿寶法物
亦係御輦院差下都輦官三十二人契勘今來神主到
温州經由山路又當暑月不測雨水比行宮門外至攢
宮事體不同捧擎虞主神主輦官今欲添差八人捧擎
用并沿用法物三衙禁軍今欲添差五人並捧擎寶及
沿寶法物輦官今欲添差六人詔依

九日白劉子勸會昭慈獻烈皇太后虞主都大主管一行事務已降指揮差工部侍郎韓肖胄今來既係從官其稱呼理合分別詔改充昭慈獻烈皇太后虞主神主都大提舉一行事務

十日太常寺言迎奉虞主赴溫州今來續具到合行事件 一至日時前都大提舉一行事務官內謁者并禮直官輦官等並赴昭慈獻烈皇太后殿門外俟時詣殿燒香奏請虞主進行輦官人員等先次交割謚冊寶於虞主腰輿前陳列仍乞皇城司差親事官五十人援衛至城外退 一城外合用香案香爐匙合炭香火并百僚幕次什物乞下越州同儀鸞司釘設排辦所有合用僧道各五十人迎奉至城外亦乞下越州差撥詔依

奉辭虞主儀

其日時前皇帝自內服履袍乘輦出至御幄簾降禮直官引太常博士太常卿於御幄前立俟有司捧虞主服與至行宮門外少駐有司陳香案等畢禮直官太常博士引太常卿當幄前俛伏跪奏稱太常卿臣某言請皇帝奉辭昭慈獻烈皇太后虞主奏訖俛伏興簾掩前導皇帝出幄至香案前奏請拜皇帝再拜訖又奏請皇帝上香再上香三上香又再請拜皇帝再拜訖前導皇帝歸幄簾降俟虞主腰輿進行前導官退皇帝乘輦還內如來儀

小祥

紹興二年二月十五日禮部太常寺言勘會四月十四

日昭慈獻烈皇太后小祥今檢會國朝會要景德二年三月四日太常禮院言今月十五日明德皇后小祥伏請皇帝不視事三日百官進名奉慰退詣佛寺行香詔特前殿不坐七日餘從所請今來四月十四日昭慈獻烈皇后小祥欲乞並依故事外仍乞在外州軍等並於佛寺行香所有皇帝不視事日外今來係軍期事務繁多更合取自朝廷指揮詔其日不視事作休務暇一日餘依

中興禮書第二百六十二卷

凶禮二十七

昭慈聖獻皇后

大祥 塑製奉安神御

大祥

紹興三年二月十三日禮部太常寺言檢會明德皇后故事大祥前一月帝又詣橫宮行朝拜之禮所有今來昭慈獻烈皇后大祥前合依上件故事今檢照紹興元年掩橫宮畢朝拜禮例係差宰執一員前一日赴橫宮泰寧寺宿齋至日行朝拜之禮契勘今來大祥前一月皇帝依橫宮行朝廷之禮欲乞依上件禮例差使相一員於三月內擇日詣橫宮行朝拜之禮詔依

聖朝集賢堂

十五日禮部太常寺言勘會四月十四日大祥除几筵

依禮例時前禮儀使先行奏告之禮今具合行事件

一合用御封降真香三合 一合用祝文一首

告之一合差禁衛等乞下禁衛所相度差撥前一日絕

早赴本處更互排立權易服緋紫衫 一合用繖扇從

物等乞令所差禁衛計會本殿并御輦院排辦 一合

差扶護几筵內侍四員乞下入內內侍省差 一合用

几筵龍輿并抬擎輦官及裝著緋紫衫并乞下御輦院

排辦差撥 一合差僧道各五十人前一日絕早赴本

處更互排立乞下臨安府差 一合來焚几筵後本殿

宮人並服吉服還內 一合奏告并前一日早晚上香各

合用牙盤食茶酒菓等乞下臨安府排辦 一本家親

屬合前一日早赴本處宿齋以俟隨禮儀使行禮陪位
詔依

三月三日禮部太常寺言已降指揮昭憲獻烈皇后大
祥應干合行典禮今禮部太常寺同共檢照故事討論
申尚書省今檢照故事討論到合行事件 一今來昭
憲獻烈皇后大祥伏請皇帝常服詣几筵殿於除靈座
時前皇帝服忌辰之服躬親扶護神御東南別設一祭
祝文如遣奠之意祭訖服吉服還內如常儀 一明德
皇后故事景祐三年三月十五日大祥是月四日詔以
大祥俯近自今日後羣臣起居權罷舞蹈今來欲乞自
四月三日為始羣臣起居權罷舞蹈至四月十六日仍
舊 一明德皇后故事大祥日並前後各一日不視事

羣臣詣西上閤門進名奉慰退赴佛寺行香今來欲乞

自四月十三日十四日十五日不祥事大祥文武百僚

先詣殿門外進名奉慰訖退詣法惠寺行香 一四月

十四日乞依昨小祥故事作休務暇一日 一依故例

大祥前禁停決大辟十日今來欲乞行在依上件故例

禁停決大辟一十日仍自四月五日為始 一合用御

封降真香一合 一合用祝文一首 還以大祥焚几筵如建真之意

一合差讀祝文官一員乞於史官內差 一應所差行

事官并祗應人前一日早並赴皇城門內本處幕宿齋

乞下臨安府排辦 一合差進幣爵酒官酌酒官各一

員乞於郎官內差充前導太常卿一員乞差禮部郎官

權攝贊引太常卿太常博士一員乞差太常博士充

一合用禮料酒齋等乞從太常寺具數下臨安府應副
詔依

同日禮部太常寺言已降指揮差開府儀同三司孟忠
厚於大祥朝拜攢宮今據太史局選用三月十八日癸
酉今具合行事件 一合用御封降真香一合 一合

用表文一通

述以昭慈獻皇后下旨
府近大祥遣官朝拜之意

一合差太祝一

員乞下紹興府差其攢宮都監依禮例許令陪位 一
合用供養牙盤食茶酒菓等乞下紹興府排辦 一所
差官詣攢宮朝拜乞依禮例免朝辭詔依

十三日禮部太常寺言已降指揮大祥除几筵時前禮
儀使先行奏告之禮所有合差禮儀使一員依禮例差
宰執讀祝文官一員乞差郎官詔依

十七日禮部太常寺言據太史局選定四月十四日焚
几筵時刻宜用其日丙時所有舉火官乞於都大主管
所差官詔依

同日大祥都大主管陳永錫言契勘今日大祥除几筵
太史局相視到親置便門外相對花園地步空濶依得
已選定正西偏南庚位吉方可以修置窑子焚几筵并
據修內司申本司不見得修砌窑子制度會到太常寺
稱合體做殿子修蓋其高濶丈尺於典禮別無該載尋
勒壕寨等計料得龍興高九尺五寸擎起高一丈五寸
濶四尺修砌殿子一座濶七尺圓高一丈三尺五寸深
一丈乞下臨安府應副物料所有修砌日辰振太史局
選用三月三十日乙酉吉時宜用甲時於所修處正西

偏南庑位下手並吉詔依

二十四日禮部太常寺言四月十四日大祥至日皇帝行禮緣祝文內有御名欲乞令讀祝文官依禮例讀至御名勿與詔依

二十九日主管禁衛已降指揮大祥除几筵合差禁衛今欲窠差四百二十二人其裝著服色內除行門服紫衫外其餘諸班直服青衫親從親兵服褐衫排立祇應詔依

大祥除几筵儀

其日候禮儀使先行奏告禮畢禁衛僧道等於几筵殿之南分左右排立有司排辦祭器饌物等畢皇帝自內服常服詣几筵殿御幄簾降次禮直官太常博士太常

卿於帷前立俟皇帝易忌辰之服訖簾捲前導官前導

皇帝出帷詣几筵前褥位奏請拜皇帝再拜訖前導官

前導皇帝扶護几筵內侍分左右至稍南權安奉訖前導

官前導皇帝歸帷簾降引禮儀使執事官併陪位官立

定太常卿當帷前俛伏跪奏稱太常卿臣某言請皇帝

行除几筵之禮奏訖俛伏興簾捲前導官前導皇帝出

帷詣褥位北向立奏請拜皇帝再拜在位官皆再拜訖

內侍進盥洗奏請皇帝盥手內侍沃水奏請皇帝悅手

內侍進巾次進爵奏請皇帝洗爵內侍進巾奏請皇帝

拭爵訖前導皇帝詣几筵前奏請皇帝跪上香再上香

三上香進幣爵酒官跪先進幣次進爵奏請皇帝受幣

執爵三祭酒於地奠爵俛伏興奏請皇帝少立讀祝文

官跪讀祝文訖奏請皇帝再拜在位官皆再拜前導官
前導皇帝復位北向立奏請拜皇帝再拜在位官皆再
拜前導官前導皇帝歸^降太常卿當帷前俛伏跪奏
稱太常卿臣某言禮畢奏訖俛伏興前導官退皇帝釋
忌辰之服服常服還內次禮儀使已下詣望燎位立俟
焚祝幣訖權退俟時至禮儀使詣几筵前俛伏跪奏稱
禮儀使臣某言請昭慈獻烈皇后几筵降升興奏訖俛
伏興次內侍扶几筵升興輦官擎几筵興進行禁衛護
衛僧道作法事迎引禮儀使并本家親屬後從至焚几
筵位立俟焚訖退

塑製奉安神御

紹興三年三月三日禮部太常寺言昭慈獻烈皇后大

祥依國朝故事大祥後迎奉神御赴景靈宮奉安今具
合行事件 一依故事於大祥前差近上內侍官一員
充都大主管就禁中塑製神御於大祥後擇日迎奉赴
景靈宮奉安今來塑製昭慈獻烈皇后神御合取自朝
廷指揮 一會到神主神御提點所稱見奉安敎聖憲
肅皇后昭慈懷皇后並係漆塑首飾花鏤六鈿冠並用
假珠子給團青雉朱衣履草帶係皇后服即令見用平
頂竹腰輿內盛朱椅子踏床安座并內外並用緋絹帳
遮圍臣名封鏤金來合依上件故事塑製詔都大主管
官令入內侍省取旨差餘依

六月二十一日禮部太常寺言勘會今來塑製神御將
欲了畢今具合告遷權安奉等合行事件 一依禮例

至日時前皇帝服履袍詣神御前行酌獻禮畢還帷俟
時至出帷前導神御出宣德門外奉辭燒香畢歸帷乘
輦還內今欲乞依上件禮例前導出行宮南門外奉辭
燒香 一迎奉神御日一就奉改謚號用寶前去所有
告遷權安奉迎奉奏告赴溫州奉安神御合差都大主
管官一員依禮係就差塑製都大主管官兼充奉上冊
寶都大主管詔依

二十二日禮部太常寺言今續具到告遷權安奉等合
行事件 一檢會元豐五年塑製神御於蕊珠凝華殿
工畢遷坐於進英殿次日迎奉赴景靈宮奉安所有今
來塑製了畢自塑製處迎奉神御至權安奉殿分乞令
都大主管官將帶禮直官等同共相度 一迎奉神御

日一就奉用寶前去所有告遷權安奉並迎奉奏告奉

安神御合差禮儀使一員依例係差宰執

其上前官係告遷奉安并

起州

今乞差奉上冊寶太尉兼充告遷權安奉迎奉

奏告奉安禮儀使

一奉迎神御欲乞自塑製處告遷

神御依禮例用龍倚捧遷升綵結殿子至權安奉處捧

遷神御入幄俟進發日皇帝行的獻禮畢歸幄奉遷神

御入腰輿都大主管官臣名封鐐訖以俟皇帝前導進

行並乞下御輦院儀鸞司相度計置

一奏告合差太

祝一員乞於郎官內差的獻行禮侍臣一員俟使臣酌

茶酒畢接盞跪進皇帝乞差兩省官酌獻行禮前導太

常卿一員乞差禮部郎官權攝贊引太常卿太常博士

一員乞差太常博士充

一自內中權安奉並沿路至

温州奉安合差扶侍夾侍各二員并兼排過神御升降掌香火官

一員乞從都大主管所下入內內侍省差一合用御

封降真香七合一合用祝文一首述以告建赴温州景靈宮奉安之意

一自塑製處迎奉至權安奉處合用綵結殿子乞下儀

鸞司排辦一合差擎綵結殿子并沿路腰輿香案并

執擎繖扇等輦官裝著儀注官全乞下御輦院差撥

一自塑處迎奉神輿至權安奉處排立更互并至日迎

引至城外合用禁衛班直親從等官乞令主管禁衛所

差撥并合差僧道各五十人乞下臨安府差撥及合用

樂人乞下殿前司差鈞容直一百人仍令本司於前期

閱報所屬依見今班直例權闕借勅執纓色背子事畢

送還一禮例使前一日早晚上香并至日奏告行禮

各合用供養茶酒果牙盤食器皿等並乞下臨安府排辦詔依

同日又言今續具到合行事件 一迎奉神御進發日并溫州景靈宮奉安日依禮例皇帝不視事內迎奉進發日作休務假 一至日俟神御出行宮南門欲乞依禮例宰執使相宗室正任以上奉迎燒香畢分左右騎導至城外奉辭燒香畢退 一文武百僚並合於城外奉辭乞下御史臺閣門等處施行 一沿路至溫州合差親從官園子乞令皇城司差撥 一合差禮直官一名贊者供官各二人沿路至溫州掌管禮儀御封香祝等事務並奉上冊寶贊引祇應 一經由州縣預預差定僧道樂人迎奉如遇國忌日其樂備而不作 一沿

路每日上香乞令入內侍省取降真香三十貼封降
付所差香火官每日上香供養 一迎奉神御用寶進
發赴溫州所有禮儀司奉上用寶太尉都太主管官以
下應行事官並屬官等並乞免朝辭 一迎奉神御用
寶至溫州合於景靈宮側近寺觀權行安奉以俟擇日
奉安其權安奉寺觀乞令溫州踏逐排辦仍報都大主
管所 一奉安前一日依禮例合奏告景靈宮聖祖天
尊大帝元天大聖后并諸殿帝后神御乞下提點所排
辦供養酒果及差官奏告行禮及告遷奉安并前一日
奏告景靈宮合用御封降真香二十八合及合用祝文
二首 一首述以告近昭慈聖后神御赴景靈宮奉
安之意一首述以奉安昭慈聖后神御之意
青詞二首 一首奏告聖祖天尊大帝
一首奏告元天大聖后 祝文二首 一首奏
告諸帝

一前奏告諸后皇太后皇太妃以迎奉昭慈聖獻
皇太后神御赴景靈宮奉安奏告之意 一禮儀使行禮

合差太祝一員乞下温州差官 一奉安合用供養茶
酒果牙盤食蠟燭等乞令提點所下温州排辦 一景
靈宮奉安神御依禮例係見任宰執使相宗室正任以
上前導立班今來欲乞令温州長史率見任温州宗室
南班官前導立班詔依

七月三日皇城司言准尚書省劄子禮部太常寺言今
來塑製神御將欲了畢沿路至温州合差親從官園子
乞下皇城司差撥已奉聖旨援衛用寶差親從官三十
一人續准指揮將來命使發用寶禮畢其用寶合於行
宮門外俟次日奉迎神御禮畢一就進發今相度欲添
差親從二十一人係援衛用寶并神御園子各差二十

六人詔依

四日禮部太常寺言勸會將來塑製神御了畢迎奉赴
溫州景靈宮合於昭懷皇后神御之上奉安准神主神
衛提點所公文稱趙那諸后神御合行奏告告遷今具
合行事件 一合用御封降真香一十五合 一合用

青詞祝文共二首內青詞一首奏告元天大聖后祝文

一首奏告諸后

並送以迎奉昭慈聖獻皇后神御奏告之意

一奏告日辰乞令本所候香青詞祝文到日一面選定

俟奏告畢趙那 一合差官及排辦事件乞令本所依

自來奏告禮例排辦詔依

十二日入內侍省押班迎奉奉安神御兼奉上用寶
都大主管李淑言今相度得將來自塑製所迎奉神御

權於常御殿上就用寶幄安奉別無妨碍所有幄次合

於東廊釘設詔依

八月十二日詔已降

指擇迎奉神御

就射殿應宜掛設釘設

光輝安奉神御殿分

十五日塑製神御都大主管所言塑製神御見行裝飾
所有將來開光明取到尅擇官狀具到開光明吉日時
刻詔用七月十四日乙時

同日太常寺言塑製神御了畢開光明今具合行事件

一合用御封降真香二合 一合用茶酒果器皿等

件並乞下臨安府排辦 一時前奏告告係監轄官行

禮開光明畢係都大主管官燒香

監結官

詔依

八月七日禮部太常寺言今續到具合行事件 一塑

製神御並製造用寶禮畢先行奉用寶告廟禮次日皇

帝命使發用又次日奉迎神御進發今據太史局選定神御進發日宜用八月十六日戊戌吉時宜用其日甲時吉今契勘若依今來所選日辰係八月十四日告廟十五日命使發用十六日神御進發一迎奉神御依儀至日皇帝於時前行的獻之禮畢俟時前導神御進發出行宮門南行奉辭之禮今來太史局選定神御進發時用甲時契勘是日皇帝又於進發時前先行酌獻禮委是行禮差早欲乞至日禮儀使於時前行奏告禮畢應時告遷神御以次有司排辦畢皇帝自內服履袍至御幄次禮儀使奏請神御升腰輿都大主管官臣名權歸幄次禮儀使奏請神御升腰輿都大主管官臣名封訖前導官前導皇帝出幄前導神御進發詔依

十一日臣僚上言契勘有司迎奉昭慈聖獻皇后神御前往温州景靈宮應沿路州縣除合清潔館宇以待安奉供應料定品味以待饋餼其所經由橋梁濟渡舟船並要如法外或有官司過當排辦或去處如前期拘集鄉丁開展道路通築火臺祇備夜行又有準備為名闕借銀器料率供帳收買猪羊廣辦香果至有草創黃幄結飾綵亭預遣僧道迎候遠郊凡此等事徒為搔擾恐非聖母平日仁民愛物之意欲望劄下經由州縣嚴行約束候指揮勘會銀器戶部已行打造隨行其帳設壁衣等自行在支降將帶前去沿路使用足備州縣不須排辦兼獻食合用羊肉等已有定數目合州縣遵依所有一行官吏等合破吃食並折支價錢訖州縣別無合

供應物色將來神御進發更不夜行不須修築火臺及
官司過有排辦並重置典憲仍令州縣多出榜文勾集
鄉丁開展道路詔下經由州縣照會如敢少有撓擾及
官司過有排辦並重置典憲仍令州縣多出榜文曉諭
鄉村民庶通知

十四日太常寺言勳會今月十六日迎奉神御至城外
文武百僚合行奉辭之禮若臨時值雨乞依州縣奉迎
儀注於幕次立定班首燒香並免拜俟神御腰輿過退
所有前一日權安奉神御處禁衛僧道樂人欲乞隨宜
排立仍乞行禮官等各許施雨具至殿側詔依

沿路州縣奉迎神御儀

所至州縣禮生預集長吏以下并在城官於城外俟神

御腰輿將至長吏以下立班定俟神御腰輿至長吏以下並再拜訖班首詣香案前拈筭三上香

迎奉神御赴溫州景靈宮奉安儀

奉安前一日

其日禮儀使都大主管官並服常服赴權奉安昭慈聖獻皇后神御寺院門外幕次俟僧道樂人排立定有司排辦畢引禮儀使都大主管官詣殿下禱位並北向立再拜訖次引禮儀使升殿詣神御香案前拈筭上香再上香三上香降階復位立再拜訖退歸幕次宿齋僧道樂人更互排立作樂晚上香並如上儀

奉安日

其日早行事執事官並陪位官並服常服赴權奉安昭

慈聖獻皇后神御寺院門外幕次俟僧道樂人排立定
有司排辦畢俟告遷時前贊者先引温州長吏并寄南
班宗室入就位次引都大主管官詣殿下禱位西向立
次引太祝詣殿下禱位北向立次引禮儀使詣殿下禱
位西向立禮直官贊拜贊者曰拜在位官皆再拜訖先
引都大主管官升殿往來照管次引太祝升殿詣神御
香案之西東向立次引禮儀使升殿詣神御香案前拈
筭上香再上香三上香跪奠茶三奠酒執筭俛伏興少
立太祝指筭跪讀祝文訖執筭興降復位禮儀使再拜
訖降復位少立禮儀使太祝詣望燎位有司焚祝版訖
退次禮儀使再升殿詣神御香案之東西向立俟報告
遷時至引禮儀使詣神御前俛伏跪奏稱禮儀使臣某

言請昭慈聖獻皇后神御赴景靈宮奉安奏訖俛伏興復位西向立次輦官升殿捧擎腰輿以次進行僧道分左右作法事樂人作樂迎奉禮儀使都大主管官候從次溫州長吏并寄居南班宗室分左右步導至門外騎導至景靈宮門外下馬步導至本殿俟捧遷昭慈聖獻皇后神御升殿例座權安奉訖僧道樂人依次更互排立禮儀使并陪位官權歸殿門外幕次俟奉安時前有司排辦畢贊者先引溫州長吏並寄居南班宗室各入就位次引太祝詣殿下褥位北向立次引都大主管官升殿往來照管次引禮儀使升殿詣神御香案之東西向立定俟報時至引禮儀使詣香案前俛伏興跪奏稱禮儀使臣某言請昭慈聖獻皇后神御升正座奉安奏

訖俛伏興退詣香案東復位立俟有司遷正座訖次引
禮儀使都大主管官降階詣殿下褥位西向立禮直官
贊拜贊者曰拜在位官皆再拜訖先引太祝升殿詣神
御香案西東向立次引都大主管官升殿往來照管次
引禮儀使升殿詣昭慈聖獻皇后神御香案前揖笏上
香再上香三上香跪奠茶三奠酒執笏俛伏興少立太
祝搢笏跪讀祝文訖執笏興降復位禮儀使再拜訖復
位禮直官贊拜贊者曰拜在位官皆再拜訖禮儀使太
祝詣望燎位有司焚祝版訖班退

中興禮書二百六十三卷

凶禮二十八

顯肅皇后

紹興七年正月二十五日詔何薜奉使回得金國右副

元帥書具報寧德皇后亦已上仙建炎四年九月五日

七年正月二十五日詔何薜奉使回得金國右副元帥書具報寧德皇后亦已上仙

建炎四年九月五日

七年正月二十五日詔何薜奉使回得金國右副元帥書具報寧德皇后亦已上仙

建炎四年九月五日

七年正月二十五日詔何薜奉使回得金國右副元帥書具報寧德皇后亦已上仙

建炎四年九月五日

七年正月二十五日詔何薜奉使回得金國右副元帥書具報寧德皇后亦已上仙

建炎四年九月五日

二十七日成服

二月十二日命參知政事陳與義撰謚用文

二十二日試吏部尚書兼侍讀兼史館修撰孫近對言
伏奉勅命集議于尚書省恭惟寧德皇后道光坤極體
協靈符燕石效祥玉依示慶靜有圖史之戒勤遵保傳
之規故能德冠後宮職修內治獻種稂之種以供棗盛
之潔薦治汴之毛而承宗廟之嚴誦德象女師之篇明
闕雖后妃之義躬儉節用葛覃之本也能知勤卷耳之
志也密贊宸極鷄鳴相成之道也愛彼多男鴈鳩均一
之德也總而言之允所謂惟邦之媛歟在昔西漢有若
邛成實育元帝者也而止傳謹慎之風至于東京有若
明德實撫肅宗者也而無立子之效惟寧德皇后篤保

祐之勞無纖介之間親扶日馭協濟龍飛浚少海之淵
源發重輪之光耀寶祚有永繫一言是賴比德兩漢可
謂兼之矣夫欲治國者先於齊家善為母者本於能婦
故文王道化而雅言刑於寡妻太如嗣音而頌歌亦右
文母惟后主能盡母道以輔佐道君皇帝之治者在於
能行婦道者乎謹按謚法曰能行婦道曰肅禮后不專
謚繫號於王尊無二上之義也請上寧德皇后尊謚曰
顯肅皇后近等謹議詔恭依

五月五日卒哭

六月十一日翰林學士知制誥兼侍讀兼資善堂翊善
朱震奏差臣撰寧德皇后謚議曰天子治陽道以聽外
治而三公九卿二十七大夫聽焉后治陰德以聽內朝

而三夫人九嬪二十七世婦聽焉稽之晝夜月動而承日然後寒暑平考之四時陰出而佐陽然後萬物備恭惟寧德皇后躬柔坤之資鍾夢月之慶服詩書之遺範紹圖史之芳猷動而有儀不失乎環佩之節言而當理不違乎師傅之嚴允所謂邦之媛矣故能尊儷紫極道光彤管帥九御以服職冠六宮而示儀貴高矣而能去其驕富溢矣而能從其儉由外觀內其善可知父母安之則萬章之本也私謁不行則卷耳之志也嬪嬙之寵魚貫而進則樛木之逮下也子孫衆多蕃衍盛大則螽斯之不如也是以被禴翟之美正長秋之位佐君子之求賢奉宗廟之祭祀而婦道行矣若乃保佑聖嗣能盡母慈上配明德之幼勞下兼卬成之謹厚卒使羣陰退

伏大明東升其道蓋不愧於昔人矣夫有莘翼商塗山
興夏夫婦正而天下定此易所以示家人之爻男女正
而婚姻時此詩所以詠桃夭之美不有助內其能成帝
王之大業乎謹按謚法曰能行婦道曰肅請上寧德皇
后謚法顯肅皇后臣謹議詔恭依

七月三日參知政事陳與義奏近奉勅差臣撰寧德皇
后謚用文今恭依聖訓撰成伏以孝莫大於顯親禮無
先於考行昊穹不弔禍及我家振古以還事無前比坤
承前而並震月儺日以齊昏念終身之痛莫報於慈恩
惟尚世之圖尚存於舊典敢願衆志祇薦鴻名寧德皇
后道高塗山慶合沙麓以葛覃為本而有恭儉之化以
卷耳為志而無私謁之心陰教表於六宮懿範光於彤

史用能協修內治以底丕平自位長秋獨撫儲后觀天心所屬之固寶火德係昌之符保佑之勤聞於夷夏逮至宣和之末贊成內禪之功長子主器而太上愈尊飛龍在天而八極自定考覽載籍稽參古初唯西漢卬成東漢明德雖擅前美而不足比倫盛德煒然著于公議既而運遭陽九兵纏紫微皇輅蒙塵翟車從狩雖禍福之來固難前料而否泰之極必有還形所以十年盡迎請之謀庶幾一朝復孝養之志而神理莫誥命乃不融訃音遠聞天下震悼起而瞻望猶懷陟屺之迷夢若平生未卜上陵之日銜此詎痛其何有終是用考合前規諮于卿士以時節惠用詔方來謹遣某官奉冊寶上尊謚曰顯肅皇后伏惟明靈如在昭受容典永配聖考升

躋在天垂福拜基傳諸萬世詔付書用文官

九月一日禮部太常寺言已降指揮奉上謚用寶候見
得畢工別行選日申請今來修製用寶畢工據太史局
選定奉寧德皇后謚用寶告廟日辰宜用九月四日癸
亥吉詔依

十二月十日祔廟

十二月年四月十八日知盱眙縣宋肇言得此界泗州
報梓宮七月未旬迎護到界首於是有詔梓宮將來於
行在皇城門南外權設龍德宮奉安

六月八日命參知政事王次翁撰哀用文

用文祐陵發引門永

八月二十八日車駕詣臨平鎮迎奉梓宮二十九日車
駕迎奉梓宮四九月一日皇帝率奉迎官詣龍德宮梓

宮前時之禮九日梓宮於龍德宮殿攢二十六日啟攢

當日發引十月十七日掩攢宋會要九月二十六日啟攢

後漢甲辰年用文曰惟是夫四年歲次庚戌九月庚子朔

五日甲辰年用文曰惟是夫四年歲次庚戌九月庚子朔

中朔五日甲辰年用文曰惟是夫四年歲次庚戌九月庚子朔

聖考格天追慕國既既禮於永固陵後宮從變十二年十月庚

往事考格天追慕國既既禮於永固陵後宮從變十二年十月庚

坤之月之祥應時內治者郵司從漢及唐世濟其美三祖

星之次原姓之本貴姓之商歷漢及唐世濟其美三祖

七房益昌而城宋以火興實周之對烈聖臨御天作之

配室無華宗姬姓是嚴仲柔月彩慶閱銀瑞誕降嘉德

倪天之妹曰媛于京輔佐是手嚴者亦嗣此跡望山之德

在進賢而無險設陰教是手嚴者亦嗣此跡望山之德

機思國已起越姜源姓如昔在父考久却神器心履萬

后實贊之思乃終東宮曰吾有子社稷宗廟克結天類

養釋天下累無倫無最至富至貴否太有極或反其類

時運之數百六之會整卑祐我從萬里衣有游濯錦

界珠翠險阻艱難會之既備傳我從萬里衣有游濯錦

遐壽萬有千歲是天下之既備傳我從萬里衣有游濯錦

遐文考神靈脫侯慶世后亦承之來宗卿氣揮斥八極

哀福集社陰相中興是恭是址永永第煥數享廟祀皇
帝孝思守文經體惟定與多一謹于礼鳴呼哀哉洛水
咽子哀哉實霜祖宋在天國使聲地如何歸附道建
此礼有從權隨時之義鳴呼哀哉倚山龍我浙江汾源
奉樂之奇龍此之書宅兆之安言飾龜六宮子葉西寒
惟之利鳴呼哀哉龍輔家慘羽翼風厲六宮子葉西寒
其湯奇名如在哀服永開惟有慈範光
先昭彤史鳴呼哀哉

奉上謚冊寶

紹興七年二月十二日禮部太常寺言勘會今來道君
皇帝寧德皇后升遐依故事合修製冊寶及差官撰謚
冊文并書篆冊寶今參酌下項 一修製冊寶二副并
沿用寶法物乞依故事令工部文思院修製 一合差
撰冊文官書冊文官篆寶文官詔撰冊文官差參知政
事陳與義書冊文官參知政事張守篆寶文官吏部尚
書孫近

二月十七日中書省言勘會見製造道君皇帝寧德皇后玉寶合用玉二塊各方二寸五分并鈕通約高三寸三分玉用二副各合用階石二十四條每條長一尺三寸濶一寸二分厚六分詔令吳玠疾速收買赴行在所送納其價錢李迨應副

三月二十九日禮部太常寺言勘會已降指揮令文思院修製謚用寶所有寶文道君皇帝欲以聖文仁德顯孝皇帝之寶十字為文寧德皇后欲以顯肅皇后之寶六字為文乞下工部修製詔依

四月十日禮部太常寺言今來寧德皇后俟奉上謚號用寶了日依典故合稱顯肅皇后詔恭依

四月十五日行在工部言據將作監文思院上下界狀

契勘本院除已昨造過昭慈聖獻皇后冊寶案例外即
不見得今來造聖文仁德顯孝皇帝冊寶合如何制度
緣事干典禮欲望朝廷指揮下太常寺討論行下以憑
計料申明修製本院昨修製昭慈聖獻皇后謚冊寶案
例制度下項 一謚寶一鈕係用玉碾造昨用金鍍銀
鑄造充代 一冊條舊係用階石碾造昨用象牙充代
一寶蓋係三蓋并檐床腰輿行馬舊用朱紅漆內第
一第二蓋並用金鍍銀葉段裝釘昨用朱紅漆內第三
蓋止用金鍍銀葉段裝釘第一第二蓋簡素製 一檐
竿子螭頭舊係用金鍍銀造昨用刻木刻裝飾螭頭充
代 一花瓶香爐水鍾子燭臺銀鍍反匙魚鉤等物色
舊係金鍍銀造昨用銅及礪石鑄造充代 一應沿用

寶複袍衣褥等物色舊係用遍地銷金製造昨並不銷金止用素造充代 一沿用寶條索等舊係用真梅紅線造昨用小紅線充代詔道君皇帝謚寶玉將來置造曰如吳玠收買未到權許用金銀德皇后謚寶用金製造其謚用并沿用寶法物並依昭慈聖獻皇后故事修製

四月二十八日禮部言有合申請事件 一奉謚用寶告廟并奉上行禮合蓋職事每用捧用二人抱席褥一人每寶捧寶四人抱席褥一人合著色服故例係緋羅寬衫幘頭角帶如無以紫公裳充代所有將來奉上謚用寶欲乞依例下建康府權暫闕借應奉 一合差抬擎并援衛及執擎沿用法物天武官兩用共合差四十

二人擡擎并執擎沿寶法物輦官兩寶共合差六十六人并援衛親事官每用合差二十人並乞依數下殿前司御輦院皇城司差撥所有各人着服色故例緋穿衫頭帽援衛人紫寬衫頭帽今欲依故例親事官并輦官並服本色外內天武乞具數下建康府權暫闕借紫衫裝著應奉一修用寶了日合擇日奉用寶告廟并奉上行禮所有逐處合用用寶恆次下儀鸞司釘設排辦詔依

五月二日禮部太常寺言將來几筵前奉上謚用寶行禮今參酌到合行事件一將來自內降出謚用寶乞於行宮門外西闕亭充用寶恆次令儀鸞司釘設所有道君皇帝謚用寶有司捧詣恆次安奉寧德皇后謚用

寶捧詣太廟奉安所依儀告廟行禮訖次奉詣行宮門外用寶帷次安奉其捧用寶職掌援衛祇應人等並合於用寶帷次之側宿衛 一乞令入內內侍省依故例專差內侍三員掌管進請御書并進謚用寶入於常御殿安奉至夜照管至次日降出 一乞依故事候書謚用文官書用文畢令文思院修製本院計會所差內侍進請御書訖却降付本院修製俟寧德皇后謚用寶告廟前一日文思院奉道君皇帝寧德皇后謚用寶計會所差內侍進入至告廟日並降出 一將來几筵前奉 上謚用寶行禮畢依禮例文武百僚詣常御殿門外進名奉慰 一奉上謚用寶合前二日奏告天地宗廟社稷官觀 一奉上謚用寶其太傅已下行禮官并百僚

依禮例並服常服立班行事 一契勘几筵上下常中
各合設用寶褥位及往來行禮竊慮殿前地步窄隘今
欲乞陪位百僚隨宜趨那立班并合用百官幕次等乞
下建府同儀鸞司排辦 一奉上几筵前合用香爐匙
合茶酒盤盞等乞依例下提舉欽奉所行下所屬排辦
及牙盤茶食茶酒果等下御厨翰林司排辦 一行禮
畢其用寶并沿用寶法物依禮例於几筵殿安奉欲乞
令本處殿官交割收管 一合用御封降真香二合詔
依

五月十一日文思院言準指揮造聖文仁德顯孝皇帝
顯肅皇后寶二鈕本院除已造蟻樸外今看驗玉一顆
可以追寶二鈕依得已追寶樸徑寸大小詔依令文思

院如法製造

寶鼎堂

五月二十四日禮部太常寺言契勘國朝禮例諸后謚寶曾委廉聽政用玉其不曾者止用金詔寧德皇后謚寶依禮例用金鑄造

七月二日禮部太常寺言昨昭慈聖獻皇后梓宮發引係差攝太尉行事今來道君皇帝謚議告於南郊依故事乞差攝太尉除已降指揮且依故事外契勘將來奉寧德皇后用寶告廟并次日詣道君皇帝寧德皇后几筵前奉上冊寶及迎奉梓宮到俟發引日各合差攝太尉行事緣三師三少昨政和間改定官稱理合討論割付禮部同太常寺討論申尚書省令討論太尉司徒司空舊為三公位三師之次前代奉冊寶用宰臣攝太尉

行事者欲崇重其事故以三公行禮國朝因之竊祥太尉秦官居主兵之任司徒司空乃周六卿之職皆非三司故和官制改三師為三公三公為三少然自國朝以來太尉位亞太師今官制太尉品稍卑將來行禮如攝官奉用合用太尉者宜設太傅以太傅於今為三公位亞太師故也詔依

七月十九日禮部太常寺言勘會將來率百僚奏寧德皇后謚用寶告廟并次日奉道君皇帝寧德皇后謚用寶詣几筵前行奉上之禮緣今來用文以下所有合差行禮官伏乞朝廷差官 一合差攝 傳一員係宰臣充 一合差舉用官二員舉寶官二員乞差六曹郎官一合差讀寶侍中一員讀用中書令一員係差宰執

一寧德皇后謚冊寶告廟合差奉禮郎太祝太官令
各一員乞差六曹郎官詔依

八月十二日禮部太常寺言奉上册冊寶前二日奏告
今具合差官 一奏告天地合差宰執前一日赴本省
宿齋 一奏告宗廟乞就差太廟五饗獻官充 一奏
告太社太稷天慶觀報恩光孝觀各合差侍從官並前
一日赴本司宿齋詔依

九月二日詔寧德皇后謚冊寶告廟并奉道君皇帝寧
德皇后謚冊寶詣几筵前行奉上之禮行事攝太傅讀
冊攝中書令差參知政事張守讀寶攝侍中參知政事
陳與義

几筵前奉上謚冊寶儀

其日俟開行宮門陪位文武百僚入詣幕次有司設權
置用寶位於几筵殿下東向次奉設用寶入行宮門太
傳讀用寶官舉用寶官乘馬後從至几筵殿門外下馬
從入殿至道君皇帝寧德皇后几筵殿前階下東向權
置於位用北寶南太傅以下權退歸幕次俟有司排辦
畢備御史臺太常寺閣門分引文武百僚詣道君皇帝
几筵殿下北向立定次引讀用寶官詣用寶之後禱位
立次引舉用寶官於讀用寶官之後禱位立次禮直官
引太傅詣殿下禱位西向立定禮直官贊太傅躬拜贊
者曰拜在位官皆再拜訖次引太傅升殿詣道君皇帝
几筵香案前搢笏上香再上香三上香跪一酹茶三奠
酒執笏俛伏興再拜訖降階復復位少立次引太傅詣

殿下褥位北向俛伏跪奏稱太傅臣某言奉詔謹奉上
道君皇帝謚用寶奏訖俛伏興次詣用權置位立次引
舉用官詣用案搢笏舉用匣興職掌先捧用案升殿詣
殿上香案前置於褥位北向太傅搢笏捧用升殿至位
跪奠用置于案上舉用官執笏少立次太傅執笏興少
退於褥位立次讀用官詣殿後立舉用官搢笏跪舉用
讀用官搢笏跪讀用訖執笏興降復位舉用官奠用舉
用匣興職典先奉用案於殿上稍東褥位置定舉用官
舉用匣置于案上舉用官執笏降階復位立次引太傅
降階詣寶權置位立次引舉寶官詣寶案搢笏舉寶盞
興職掌先捧寶案升殿詣殿上香案前置於褥位北向
次太傅搢笏捧寶升殿至位跪奠寶置於案上舉寶官

執笏興少立次太傳執笏興少退於褥位立次讀寶官
詣寶案後立舉寶官持笏跪舉寶讀寶官指笏跪讀寶
訖執笏興降復位舉寶官奠寶舉寶盥興職掌先捧寶
案置於殿上稍東褥位置定舉寶官舉寶盥置於案上
舉寶官執笏降階復位立次引太傳降階復位西向立
定禮直官贊太傅躬拜贊者曰拜在位官皆再拜訖退
次詣寧德皇后几筵殿下立班行禮並如上儀訖班退
次詣常御殿門外立班進名奉慰訖退